

KOMMUNEQARFIK SERMERSUUMI INERSIMASUT PILLUGIT ISUMAGINNINNERMI SULIANI ATAQATIGIISSAARINERMUT SULEQATIGIISSITAMUT ILEQQOREQQUSAT

Inatsisartut peqqussutaat nr. 14, 1. november 1982-meersoq naapertorlugu Kommuneqarfik Sermersuumi inersimasut pillugit isumaginninnermi suliani ataqatigiissaarinermut suleqatigiissitami maleruagassat ileqqoreqqusami matumani aalajangersarneqarput.

§ 1. Inersimasunut Ataqatigiissaarinermut Suleqatigiissitamik (I AS) pilersitsisoqassaaq.

I AS sapinngisamik imatut katitigaassaaq:

Ilaasortat sisamat Tunguinermt Ingerlatsivimmu sinniisut: pingasut Inersimasunut Isumassuiffimmeersut, Fagcheffi, tarnip pissusaanik ilisimasalinnut immikkoortortaqruiup pisortaa aamma Pillorissaasut pisortaat, Suliffeqarnermut immikkoortortamiit ataaseq.

Ilaasortaq ataaseq Meeqqanut Ilaqutariinnullu immikkoortortamiit pisariaqartitsineq naapertorlugu.

Ilaasortaq ataaseq Peqqinnissaqarfimmu sinniisooq.

Suleqatigiissitap siunertarai:

- a) inunnut ataasiakkaanut immikkoortunulluunniit naleqqiullugu suliniutit oqartussat assigiinngitsut neqeroorutaat sapinngisamik pitsaanerpaamik ataqatigiissarnissaat qulakkiissallugu.
- b) inunnut ataasiakkaanut aamma innuttaasut pitsaanerpaamik sullinneqarnerinut isumagineqarnerinullu pingaaruteqartunik pissutsinik allanik paasissutissanik paarlaasseqatigiinneq,
- c) immikkut ilisimasaqarnerup, nunaqqatigiinni pigineqartup sapinngisamik illugiimmik iluaqutigineqarnissaa qulakkiissallugu,
- d) Tunguinermt Suliffeqarnermullu Ataatsimiititaliamut najoqqutassanik inassuteqarluni oqaaseqaateqartarnerit.

Imm. 2. Suleqatigiissitap ingerlatsinermini pisortat peqataasut aalajangiinnaassusiannut malinnittussaapput.

Imm. 3. Fagcheffi suleqatigiissitap ataatsimiinnerani aqutsisuuvoq. Taanna peqartinnagu Fagcheffip taartaa ataatsimiinnermi aqutsisuusaaq.

Imm. 4. Oqartussanit peqataasunit suleqatigiissitami ilaasortat amerlassusaat ukiut tamaasa augustip aallaqqaataani iluarsineqarsinnaapput imm. 1 eqqarsaatigalugu. Tamanna pillugu suleqatigiissitaq nammineq aalajangiisassaaq.

§ 2. Ataatsimiinnissaq sioqqullugu allagaatinik suleqatigiissitamut nassiussuinissaq, kiisalu ataatsimiinnernit imaqarniliornissat siunertaralugu suleqatigiissitamut nassiussuisoqarnissaa allattoqarnikkut Tunguinermt Ingerlatsivik ikiutissaaq.

Imm. 2. Ataatsimiinnissat tamaasa sioqqullugit oqaluuserisassat piareersarneqartassapput. Ataatsimiititami ilaasortat ataasiakkaat suliap ataatsip

oqaluuserisassanut ilanngunneqarnissaa piumasarisinnaavaat. Ataatsimiinnissaq kingusinnerpaamik ullut suliffiusut pingasut sioqqullugu sapinngisamik ilaasortanut tamanut oqaluuserisassat.

Imm. 3. Imaqarniliat allanneqassapput suliallu ataasiakkaat suliarineqartunut tunngatillugu inerniliinernik naatsunik imaqassallutik..

Imm. 4. Suleqatigiissitap piffissami sumilu ataatsimiinnissaa nammineq aalajangersassavaa, taamaattorli qaammammut ikinnerpaamik ataasiarluni ataatsimiittoqartassalluni. Tamatuma saniatigut pisariaqartitsisoqaraangat ataatsimiittoqartassaaq. Nalinginnaasumik ataatsimiinnissamut takussutissaq ukiut affakkaarlugit allattoqarfimmit nassiunneqartassaaq.

§ 3. Suliap ataatsip arlallilluunniit suliarineqarnerani Politiiniit, Pinerluttulerinermik Isumaginnittoqarfimmit, perorsaasunit kiisalu peqqinnissaqarfimmit sinniisut suleqatigiissitamit ataatsimiiniissaannut peqataaqqullugit aggersaasinnaapput.

Imm. 2. Ataatsimiititami ilaasortat ataasiakkaat tamarmik ataatsimiititap ataatsimiinnissaannut, suliap ataatsip arlallilluunniit suliarineqarnerani nammineq ingerlatsiviffigisamiit/suliffeqarfigisamiit sinniisumik pineqartup immikkut ilisimasaqarfigisaanik aggersaasinnaapput.

Imm. 3. Immikkut pisoqartillugu, suliap ataatsip suliarineranut pingaaruteqartutut tamanna nalilerneqarpat, sulisitsisuniit sulisartuniillu sinniisunik imaluunniit suliffeqarfiit ataasiakkaat sinniisuinik aamma aggersaasoqarsinnaavoq. Taamatut pisoqartillugu pisortat ingerlatsiviini sulianik suliarinnineq pillugu Inatsisartut inatsisaat nr. 8, 13. juni 1994-imeersumi § 27, imm. 3 malillugu sinniisut aggersarneqartut nipangiussisussaannerat nakkutigineqassaaq.

Imm. 4. Ukiumut ataqatigiissaarinnermut suleqatigiissitami ataatsimiittoqartassaaq, tassani sammisat nalinginnaasut qaqinneqartarlutik. Ataatsimiinnerni taakkunani siumoortumik saqqummiussassat nassiunneqareernerisigut ingerlatsivinni/suliffeqarfinni attuumassuteqartunit pisortat suliutigullu suliqartut aggersarneqarsinnaapput.

Imm. 5. Suleqatigiissitap aamma Tunguinnermut Suliffeqarnermullu Ataatsimiititaliap akornanni suleqatigiinnermi ukiumoortumik ataatsimiinnissamut aggersaasoqarsinnaavoq.

§ 4. Suleqatigiissitami ilaasortat tamarmik aallaaviatigut Nuummi inissisimassapput.

Imm. 2. Suliamik naliliineq aallaavigalugu pisariaqartitsineq naapertorlugu kommunimi illoqarfinni allani suleqatigiissitamik pilersitsisoqarsinnaavoq. Fagcheffi taassumaluunniit taartaa ataatsimiinnermi aqutsisutut peqataassaaq, imm. 4 naap.

Imm. 3. Suleqatigiissitami ilaasortaq ataaseq ataatsimiinnermi peqataasinnaanngikkuni pineqartup nammineq ingerlatsivianiit/suliffianiit sinniisumik ataatsimiinnermi peqataasoqarnissaa pisussaaffigaa imaluunniit peqataasinnaanani nalunaaruteqarluni. Tamanna piaarnerpaamik Tunguinnermut Ingerlatsiviup allattoqarfianut nalunaarutigineqassaaq.

Imm. 4. Ataatsimiinnermi nalunaarasuartaatikkut atortorissaarutit atorneqarsinnaapput.

§ 5. Ataatsimiititami ilaasortat kiisalu ataatsimiititap ataatsimiinnerani peqataasut allat inuit ataasiakkaat atugaannut tunngasunik ilisimalikkat eqqarsaatigalugit nipangiussisusaatitaapput.

Imm. 2. Nipangiussisusaatitaanerli paasissutissat attuumassuteqartut piviusorsioertut peqataasut nammineq ataatsimiititami ilaasortat ingerlatsiviinut ingerlatseqinnissaannut akornutaassanngilaq.

Imm. 3. Nipangiussisusaatitaanermik unioqqutitsineq Kalaallit Nunaanni Pinerluttulerinermik inatsimmi qaqugukkulluunniit atuuttumut ilaavoq.

Taamaalilluni Kommuneqarfik Sermersuumi Kommunalbestyrelsimit akuerineqarpoq ulloq

Borgmesteri

/

Pisortaaneq

Kommuneqarfik Sermersuumi inersimasut pillugit Isumaginninnermi suliani ataqatigiissarinermut suleqatigiissitat pillugit ileqqoreqqusaq siuliani allassimasoq-imeersoq matumuuna aalajangersarneqarpoq,

Nuuk ulloq

Ilaqutariinnermut, Kultureqarnermut,
Ilagiinnut Naligiissitaanermullu Naalakkersuisoq